

TOPONIMOS DE SEDILO

de Salvatorangelo Manca

Custas pagas rigas cheren essere sa presentazione de sa erica chi bos amos proposta in su numeru de "Logos" de s'annu coiau, cun prus de tregentos, toponimos o numenes. Ana essere un'azudu pò arribare a tennere su prus de sos faeddos sardos e ddos ponner in manos a chie ada a dever faere s'unificazione limbistica de sas variantes sardas; custu si podede faere in donzi idda, cun s'azudu de sos mannos nostros chi s'ammentana faeddos chi sos prus zovanos no impitamos prus. Medas de custos faeddos si agattana ancora in sos numenes de sos logos o toponimos, cricande, si cussos chi no cumprendimos tenene unu significu in ateras biddas de Sardigna. Bidimos chi cachi orta unu toponimu sedilesu es' numene de una idda: Lotzorai, Lodine, Uras. Sos ateros ddos podimos dividire in varios rugos: cussos chi ammentana su mundu vegetale, su mundu animale, cussos minerales, sos santos o chi ammentana sor meres antigos o pessones chi bi ana abitau meda e in urtumu bi suni cussos numenes chi suni de origine meda antiga, su prus de custos non tenene una ispiegazione segura.

Amos agatau paritzos numenes chi in Sedilo non tenian prusu un impitu, ca istantonis cussas mattas nd'aian pigau un'ateru e suni:

- *Boladigas* = berretta di prete o acero (N. I. Eunymus Europaeus)
- *Arbut[^]edu* = corbezzolo (N. I. LArbutus Unedo)
- *Ispadulas* = sala o stiancia (N. I. Tiphia angustifolia o latifolia)
- *T'yppiri* = rosmarino
- *Narboneddos* = malva arborea (N. I. Lavateria olbia)
- *Orsyara* = (N. I. Clematis vitalba)
- *Surbiaghe (survaghe)* = equisetu, coda di cavallo correggiola (Equisetum arvenses)
- *Titione* = smilace (N. I. Smilax aspera)
- *Trovodda* = verbasco (N. I. Verbascum)
- *Tuwbaru* = ferra saracinisca, basilico (N. I. Magydaris pastinacea).

Suni beli' e settanta sos toponimos cun orizines' da-e su mundu vegetale, vintighimbe benin da-e su mundu animale, chimbe nos narana chi b'aiada binzas, sese chi b'a' puntanas. Medas suni accompanzaos da-e sa posizione geografica: badde, campu, canale, iscala, pischina, serra. Ateros tenene numene de pessone, fortzis sos meres antigos o pessones. E suni: Frades Crabiles, Minda-Lai, Mialittu, Murantoni, Nou de ziu Marcu, Nou de Antoni Ghisu, Serra Juanni, Tanga de sas Chessas, Zuanni Pira, Ziu Lollu e Turruliu.

Suni noe sos toponimos chi tenene numenes de santos: S. Antinu de Campu, Santu Leori, Santu lianu, Santu Micheli, Santu Leori, Santu Pedru de sa Rocca, Santu Jorzi, Sa Madalena e Santu Jacu; pigaos de seguru da-e sas cresias chi bi funi e chi si penzanda appana pigau su postu de sos tempios paganos.

Un esempiu de custa sovrapposizione, no renessia ancora a die de oe, es cussa de su logu numenau "su Maimone"; su sartu appitzigande si narada Santu Lianu (Emiliano?) e custu cultu e numene no 'es renessiu a che faghede ismentigare cussu chi bi fudi innanti de Dioniso — Maimone, chi fudi meda raigau in Sardinna e de seguru est sighiu a durare pò medas chentinaias de annos a pustis de sa cristianizzazione.

Nos abarrana cussos toponimos chi seguramente nos benini da-e sa limba de sos primos abitadores de sa Sardinna e chi a dolu mannu nostru a, oe non connoschimos, nde podimos muntovare calecunu cominzande da-e Sedilo e sighinde cun Benasini, Bolessene, Bolisai, Busoro, Busurtei, Iloi, Lighei, Lonne, Lure, Meddaris, Monte Isei, Nordai, Oroine, Oligai, Orbezzari, Ortzanghene, Sarbene, Singraris, Talariga, Talasai, Taleri, Urigu, Tziccori, Tzillai, Tzintzighe, Zustatzi, Zustatzoppa e Tzutzurude. Agatare su significu de custas est compitu de chie, istoricos, limbistas, archeologos, o menzus totu paris, cherede arribare a sa cosa fortzis prus de importu mannu pò sos Sardos, connoschere sa limba de cussos chi in s'antighidade, cun nuraches e tumbas de zigantes sun bistaos sa punta de sa cultura mediterranea.

Istudiosos chi tenies a coro sa cultura sarda a bois s'impreu de nos faghede cumprendere custas cosas de impilare a pustis pò fraigare una limba sarda noa suba cussos fundamentos antigos.